



অবিলম্বে প্রকাশের উদ্দেশ্যে: 2/2/2022

গভর্নর ক্যাথি হোকল

গভর্নর হোকল স্টেট এজেন্সিগুলিকে জরুরি সাড়াদানের সম্পদ প্রস্তুতের নির্দেশনা দিলেন যেহেতু আজকে রাত থেকে একাধিক-দিনের আবহাওয়া ঘটনা নিউ ইয়র্ককে প্রভাবিত করা শুরু করবে বলে আশঙ্কা করা যাচ্ছে

একাধিক আপস্টেট অঞ্চলে দীর্ঘমেয়াদি ভারী তুষারপাতের আশঙ্কা: মিশ্র বর্ষণ ডাউনস্টেট এলাকায় বরফ পরিস্থিতি সৃষ্টি করতে পারে

গভর্নর হোকল আক্রান্ত অঞ্চলের নিউ ইয়র্কবাসীকে যাত্রা সীমিত করতে সতর্ক করেছেন যাতে জরুরি সাড়াদান কর্মীরা নিরাপদে কাজ করতে পারে

ডিপার্টমেন্ট অফ ট্রান্সপোর্টেশন লং আইল্যান্ড থেকে ক্যাপিটাল রিজিওন, সেন্ট্রাল নিউ ইয়র্ক এবং সাউদার্ন টিয়ারে 27 জন স্লোপ্লাও অপারেটর পাঠাচ্ছে

গভর্নর ক্যাথি হোকল আজকে স্টেট এজেন্সিগুলিকে জরুরি সাড়াদানের সম্পদ প্রস্তুতের নির্দেশনা দিলেন যেহেতু একটি শীতকালীন ঝড় ব্যবস্থার কারণে পশ্চিম ও সেন্ট্রাল নিউ ইয়র্ক, ফিঙ্গার লেকস, মোহক ভ্যালি, নর্থ কান্ট্রি এবং ক্যাপিটাল রিজিওনের এলাকাসমূহে এক ফুট বা তার বেশি তুষারপাত হতে পারে, একইসাথে মধ্য হাডসন ও ডাউনস্টেট এলাকাগুলিতে শুক্রবার বরফের মতো ঠাণ্ডা বৃষ্টি ও বরফ পরিস্থিতির সৃষ্টি হতে পারে। বুধবার রাতে স্টেটের পশ্চিম অংশে মিশ্র বর্ষণের পূর্বাভাস রয়েছে, এবং বৃহস্পতিবার বিকালে ও সন্ধ্যায় ঝড় পূর্ব দিকে যেতে থাকলে এক প্রস্থ তুষারপাত, শিলাবৃষ্টি এবং বরফের মতো ঠাণ্ডা বৃষ্টি হতে পারে। শুক্রবার সকালে স্টেটের বেশির ভাগ অংশে বর্ষণ তুষারপাতে পরিবর্তিত হবে, তবে মধ্য হাডসন, নিউ ইয়র্ক সিটি এবং লং আইল্যান্ড অঞ্চলে শুক্রবার সকালে বরফ ঠাণ্ডা বৃষ্টি ও শিলাবৃষ্টি হতে পারে। বরফ এবং ফলস্বরূপ জমে যাওয়া তুষারের কারণে বিদ্যুৎ বিভ্রাট ও গাছের ক্ষতি হতে পারে। ক্ষতিগ্রস্ত এলাকায় মাঝে মাঝে যাত্রা বিপজ্জনক হয়ে উঠতে পারে, বিশেষ করে বৃহস্পতিবার ও শুক্রবারের সকাল ও সন্ধ্যায় যাতায়াতের সময়ে। গভর্নর হোকল নিউ ইয়র্কবাসীদের যাতায়াত সীমিত করতে, বিপজ্জনক পরিস্থিতি এড়াতে এবং জরুরি সাড়াদান কর্মীদের নিজেদের কাজ শেষ করতে দিতে পরামর্শ দিয়েছেন।

"আমরা শীতের চূড়ান্ত পর্যায়ে রয়েছি এবং সর্বশেষ এই ঝড়টি আমাদেরকে খারাপ আবহাওয়ার সব অস্ত্র দিয়ে আঘাত হানতে তৈরি আছে, যেমন, ভারী তুষারপাত, শিলাবৃষ্টি এবং বরফ ঠাণ্ডা বৃষ্টি," **গভর্নর হোকল বলেন।** "আমি আমাদের স্টেট এজেন্সিগুলিকে জরুরি সাড়াদান সম্পদ প্রস্তুত রাখতে নির্দেশ দিয়েছি এবং তারা প্রয়োজন হলে স্থানীয় সরকারগুলিকে সাহায্য করতে

প্রস্তুত আছে। এই ঝড়টি নিয়ে অনেক অনিশ্চয়তা রয়েছে, কিন্তু আমরা পূর্বাভাস ও মডেল পর্যবেক্ষণ করছি এবং প্রকৃতি আমাদেরকে যেভাবেই আক্রান্ত করুক, তা সামাল দিতে প্রস্তুত আছি। সবসময়ের মতো, নিউ ইয়র্কবাসীকে সতর্ক হতে হবে, আবহাওয়া পরিস্থিতি পর্যবেক্ষণ করতে হবে এবং ঝড় চলে যাওয়ার আগ পর্যন্ত অপ্রয়োজনীয় যাতায়াত পরিহার করতে হবে।"

ডিভিশন অফ হোমল্যান্ড সিকিউরিটি এবং ইমার্জেন্সি সার্ভিসেসের (Division of Homeland Security and Emergency Services, DHSES) এর কমিশনার জ্যাকি ব্রে বলেন, "গভর্নর হোকল এবং আমি নিউ ইয়র্কবাসীকে সম্পূর্ণ আপস্টেট অঞ্চলে আজকে রাতে শুরু হয়ে শুক্রবার পর্যন্ত স্থায়ী হওয়া ভারী তুষারপাতের জন্য প্রস্তুত হতে তাগিদ প্রদান করছি। আমাদের দল পূর্বাভাস নিবিড়ভাবে দেখছে এবং আমাদের স্টেট এজেন্সি অংশীদারদের ও স্থানীয় সরকারসমূহের সাথে কাজ করছে যাতে সকলের প্রয়োজনীয় সবকিছু নিয়ে প্রস্তুত থাকা নিশ্চিত করতে পারি। আমরা আমাদের সকলকে নিরাপদে ঝড় পার করানোর জন্য স্টেটের সম্পদ প্রয়োজনমত ব্যবহার করার জন্য প্রস্তুত থাকবো।"

সাউদার্ন টিয়ার, মোহক ভ্যালি ও নর্থ কান্ট্রির এলাকাগুলিতে 16 ইঞ্চি পর্যন্ত তুষার জমতে পারে এবং পশ্চিম নিউইয়র্ক ও ফিঙ্গার লেকস অঞ্চলে শিলাবৃষ্টির সাথে 12 ইঞ্চি পর্যন্ত তুষার জমতে পারে বলে আশঙ্কা করা যাচ্ছে। ক্যাপিটাল রিজিয়নে 4 থেকে 10 ইঞ্চি তুষার জমার পূর্বাভাস রয়েছে, এবং মধ্য হাডসন অঞ্চলের কিছু অংশে, যেখানে তুষারপাত ও মিশ্র বর্ষণের সম্ভাবনা সবথেকে বেশি, সেখানে 4 ইঞ্চি পর্যন্ত তুষার ও এক ইঞ্চির দশ ভাগের দুই ভাগ পর্যন্ত বরফ দেখা যেতে পারে।

জাতীয় আবহাওয়া পরিষেবা (National Weather Service) একাধিক-দিনের ঘটনা সামনে রেখে একাধিক আবহাওয়া সতর্কতা জারি করেছে, এটি বুধবার সন্ধ্যায় শুরু হয়ে স্টেটের দক্ষিণপশ্চিম থেকে উত্তরপূর্বে যাবে বলে ধারণা করা হচ্ছে। আপনার এলাকার জন্য আবহাওয়া সংক্রান্ত পরামর্শসমূহের পূর্ণাঙ্গ তালিকা পেতে, জাতীয় আবহাওয়া পরিষেবার [ওয়েবসাইট](#) দেখুন।

এজেন্সির প্রস্তুতি

স্বদেশের নিরাপত্তা ও জরুরী পরিষেবা বিভাগ (Division of Homeland Security and Emergency Services)

নিউ ইয়র্ক স্টেটের ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেসের জরুরি কার্যক্রম পরিচালনা কেন্দ্র সক্রিয় করা হয়েছে এবং এটি নিবিড়ভাবে অবস্থা পর্যবেক্ষণ করবে, সাড়াদান কার্যক্রম সমন্বয় করবে, এবং দুর্ঘটনের সময়জুড়ে স্থানীয়দের সাথে যোগাযোগ রক্ষা করবে। পাম্প, চেইন স, বালির বস্তা জেনারেটর, খাট, কঞ্চল ও বোতলজাত পানিসহ ঝড়-সংক্রান্ত প্রয়োজনীয় সংস্থান প্রয়োজনে ক্ষতিগ্রস্ত লোকজনের কাছে পৌঁছে দিতে স্টেটের মজুদ প্রস্তুত রয়েছে।

পরিবহন বিভাগ

স্টেটের ডিপার্টমেন্ট অফ ট্রান্সপোর্টেশন (Department of Transportation, DOT) স্টেটব্যাপী নিম্নলিখিত সম্পদ নিয়ে সাড়াদানের জন্য প্রস্তুত আছে:

- 1,748টি বড় ও মিডিয়াম ডিউটি প্লাও ট্রাক

- 51টি টো প্লাও
- 328টি লোডার
- 39টি স্নো ব্লোয়ার
- 23টি প্লাওসহ পিকআপ ট্রাক
- 18টি গ্রেডার

লং আইল্যান্ড থেকে সাতশজন অন্যান্য অঞ্চলে নিম্নরূপে নিযুক্ত হবে:

- ক্যাপিটাল রিজিওন পাবে 7 জন স্নো প্লাও অপারেটর এবং 2 জন সরঞ্জাম অপারেটর নির্দেশক।
- সেন্ট্রাল নিউ ইয়র্ক পাবে 8 জন স্নো প্লাও অপারেটর এবং 1 জন সুপারভাইজার।
- সাউদার্ন টিয়ার পাবে 8 জন স্নো প্লাও অপারেটর এবং 1 জন সুপারভাইজার।

সর্বশেষ ভ্রমণ তথ্যের জন্য, 511 এ ফোন করুন, www.511NY.org এ যান অথবা বিনামূল্যের 511NY মোবাইল অ্যাপ ডাউনলোড করুন।

থ্রুওয়ে কর্তৃপক্ষ

থ্রুওয়ে অথোরিটির (Thruway Authority) 677 জন অপারেটর ও সুপারভাইজার, নিম্নলিখিত সম্পদ নিয়ে সাড়াদানের জন্য প্রস্তুত আছে:

- 356টি বড় ও মিডিয়াম ডিউটি প্লাও ট্রাক
- 11টি টো প্লাও
- 68টি লোডার
- 119,000 টনের বেশি লবণ প্রস্তুত

থ্রুওয়েতে মোটরচালকদেরকে শীতকালীন আবহাওয়ার অবস্থা সম্পর্কে সতর্ক করতে বিভিন্ন ধরনের মেসেজ সাইন ও সোশ্যাল মিডিয়া ব্যবহার করা হয়।

থ্রুওয়ে কর্তৃপক্ষ তাদের [মোবাইল অ্যাপ](#) ডাউনলোড করতে গাড়িচালকদেরকে উৎসাহিত করে যা আইফোন ও অ্যান্ড্রয়েড ডিভাইসের জন্য বিনামূল্যে পাওয়া যায়। অ্যাপটি চলার পথে মোটরযান চালকদের রিয়েল-টাইম ট্রাফিক ও দিক-নির্দেশনা সংক্রান্ত সহায়তা প্রদান করে। এছাড়াও গাড়ি চালকরা [ট্রান্সঅ্যালার্ট \(TRANSalert\)](#) ই-মেইলের জন্য সাইন-আপ করতে পারেন যা থ্রুওয়ে সংলগ্ন যানবাহনের সর্বশেষ অবস্থা সম্পর্কে [এখানে](#) তথ্য প্রদান করে।

পরিবেশ সংরক্ষণ বিভাগ (Department of Environmental Conservation)

DEC পরিবেশ সংরক্ষণ পুলিশ অফিসার, ফরেস্ট রেঞ্জার্স, জরুরি ব্যবস্থাপনা কর্মী এবং অঞ্চলের কর্মীরা সতর্ক আছেন এবং পরিস্থিতি পর্যবেক্ষণ করছেন এবং গুরুতর আবহাওয়া দ্বারা প্রভাবিত হওয়া এলাকা ও অবকাঠামোগুলোতে সক্রিয়ভাবে টহল দিচ্ছেন। সকল উপলভ্য সম্পদ যেকোনো জরুরি পরিস্থিতি মোকাবেলায় সহায়তা করতে প্রস্তুত রয়েছে।

পার্ক, বিনোদন ও ঐতিহাসিক সংরক্ষণ দপ্তর (Office of Parks, Recreation and Historic Preservation)

নিউ ইয়র্ক স্টেট পার্ক পুলিশ এবং পার্কের পার্সোনেলরা সতর্ক আছে এবং আবহাওয়া পরিস্থিতি এবং তার পরিণামের উপর কড়া নজর রাখছেন। পার্কে গমনকারীদের parks.ny.gov ওয়েবসাইট চেক করা উচিত অথবা পার্কের সময়, খোলা ও বন্ধের ব্যাপারে সর্বশেষ তথ্যের জন্য তাদের স্থানীয় পার্ক অফিসে কল করা উচিত।

জনসেবা বিভাগ (Department of Public Service)

নিউ ইয়র্ক স্টেট জুড়ে ক্ষয়ক্ষতি মূল্যায়ন, পরিস্থিতি মোকাবেলা ও পুনরুদ্ধার প্রচেষ্টার উদ্দেশ্যে নিয়োজিত করার জন্য নিউ ইয়র্ক ইউটিলিটির বর্তমানে প্রায় 5,700 জন শ্রমিক রয়েছে। এজেন্সির কর্মীরা পুরো সময়জুড়ে ইউটিলিটি কার্যক্রমের ট্র্যাক রাখবে এবং সবচেয়ে বেশি প্রভাবিত হতে পারে বলে ধারণা করা এলাকাগুলোতে ইউটিলিটি এজেন্সিগুলোর যথাযথ কর্মী নিয়োগের বিষয়টি নিশ্চিত করবে।

নিউ ইয়র্ক স্টেট পুলিশ

স্টেট পুলিশ পরিস্থিতি নিবিড়ভাবে পর্যবেক্ষণ করছে এবং প্রয়োজনমত অতিরিক্ত ট্রুপার নিয়োগের জন্য প্রস্তুত আছে। স্টেট পুলিশের সব ফোর-হুইল ড্রাইভ এবং বিশেষায়িত যানবাহন, যেমন স্নোমোবাইল এবং ইউটিলিটি টেরেইন ভেহিকল, অবিলম্বে সাড়াদানের জন্য প্রস্তুত রয়েছে, এবং সকল জরুরি বিদ্যুৎ ও যোগাযোগের সরঞ্জাম পরীক্ষা করা হয়েছে।

নিউ ইয়র্ক পাওয়ার অথরিটি (New York Power Authority, NYPA) / ক্যানাল কর্পোরেশন (Canal Corporation)

নিউ ইয়র্ক পাওয়ার অথরিটি (New York Power Authority) এবং ক্যানাল কর্পোরেশন (Canal Corporation)-এর কর্মীরা সকল ফ্যাসিলিটি, সম্পদ ও সরঞ্জাম নিরাপদ ও প্রস্তুত রয়েছে বলে নিশ্চিত করতে প্রস্তুতি সম্পন্ন করছেন। প্রয়োজনে বিদ্যুৎ পুনরুদ্ধার কার্যক্রমকে সহায়তা করার জন্য বিদ্যুৎ কর্তৃপক্ষ প্রস্তুত।

মেট্রোপলিটন ট্রান্সপোর্টেশন অথরিটি

মেট্রোপলিটন ট্রান্সপোর্টেশন অথরিটি (Metropolitan Transportation Authority, MTA) নিরাপদ, নির্ভরযোগ্য সেবা নিশ্চিত করতে নিবিড়ভাবে আবহাওয়ার অবস্থা পর্যবেক্ষণ করছে। গ্রাহকদেরকে পরিষেবার সর্বশেষ আপডেট জানতে new.mta.info চেক করার জন্য, এবং সিস্টেম ব্যবহারের সময়ে সতর্কতা অবলম্বনের জন্য উৎসাহিত করা হচ্ছে। গ্রাহকদের টেক্সট বা ইমেইলের মাধ্যমে রিয়েল টাইম সার্ভিস অ্যালার্টের জন্য সাইন আপ করা উচিত। MTA-এর অ্যাপগুলির মাধ্যমেও এই সতর্কতা পাওয়া যায়: MYmta, লং আইল্যান্ড রেলপথের ট্রেনের সময় এবং মেট্রো-নর্থ ট্রেনের সময়।

নিউ ইয়র্ক ও নিউ জার্সি বন্দর কর্তৃপক্ষ

পোর্ট অথরিটিও আবহাওয়া পরিস্থিতির উপর নজর রাখছে। ব্রিজ, সর্বোপরি রোডওয়ে বরাবর এবং ক্রসিংগুলিতে গতির উর্ধ্বসীমা বেঁধে দেওয়া হতে পারে। বিলম্ব এবং বাতিলকরণের ব্যাপারে সর্বশেষ তথ্যের জন্য ক্যারিয়ার এবং এয়ারলাইনের সাথে সরাসরি যোগাযোগ করতে পোর্ট অথরিটির ফেসিলিটি থেকে যাত্রীদের উৎসাহ দেওয়া হচ্ছে। পোর্ট অথরিটির ফ্যাসিলিটিগুলো সম্পর্কে সর্বশেষ তথ্যের জন্য, অনুগ্রহ করে সোশ্যাল মিডিয়া চেক করুন, [PA অ্যালার্ট-এর](#) জন্য

সাইন-আপ করুন অথবা PA মোবাইল অ্যাপগুলির মধ্যে একটি ডাউনলোড করুন, যেমন [রাইড পাথ \(RidePATH\)](#) যেটি পাথ (PATH) সার্ভিসের জন্য রিয়েল-টাইম আপডেট ও অ্যালার্ট প্রদান করে।

নিরাপত্তা সংক্রান্ত পরামর্শ

শীতকালীন ভ্রমণ

শীতকালীন ঝড়ের সময়ে সর্বাধিক নিহত ও আহত হওয়ার কারণ হলো পরিবহন দুর্ঘটনা।

গাড়িতে চলাচল করার আগে আপনার যানবাহন বরফ ও তুষার থেকে মুক্ত আছে তা নিশ্চিত করে নিন; ভালোভাবে দৃষ্টিগোচর হওয়াটা ভালোভাবে গাড়ি চালানোর মূল চাবিকাঠি। আপনার থামার স্থানগুলো সম্পর্কে পরিকল্পনা করে রাখুন এবং গাড়িগুলোর মধ্যে আরো বেশি দূরত্ব রাখুন। অতিরিক্ত সতর্ক থাকুন এবং মনে রাখবেন যে তুষারকণা ছোট শিশুদেরকে আড়াল করে দিতে পারে। সবসময় সড়ক ও আবহাওয়ার অবস্থার সঙ্গে আপনার গতির মিল রাখুন।

সকল সড়কে চলাচলকারী গাড়ি চালকদের জন্য এটি জেনে রাখা গুরুত্বপূর্ণ যে স্নো-প্লাউগুলো ঘণ্টায় 35 মাইল গতিবেগে চলাচল করে, যা বহু ক্ষেত্রেই পোস্ট করা গতিসীমার চেয়ে কম হয়ে থাকে, যাতে ছিটিয়ে দেয়া লবণগুলো ড্রাইভিং লেনের মধ্যেই থাকে এবং সড়কপথের বাইরে ছিটকে না পড়ে। প্রায় ক্ষেত্রেই ইন্টারস্টেট হাইওয়েগুলোতে স্নো-প্লাউগুলো পাশাপাশি অবস্থান করে কাজ করে থাকে, কারণ এতে একাধিক লেন সর্বাধিক কার্যকর ও নিরাপদ উপায়ে পরিষ্কার করা যায়।

গাড়ি চালক ও পথচারীদেরকেও খেয়াল রাখতে হবে যে স্নো-প্লাউ চালকদের দৃষ্টিগোচরতা সীমিত থাকে, এবং স্নো-প্লাউ এর আকার ও ওজন সেটিকে দ্রুত সরানো ও বন্ধ করা কঠিন করে তুলতে পারে। তুষার-অপসারণ-যন্ত্রের পেছন থেকে বরফ ওড়ানো এর চালকদের দৃষ্টিশক্তি মারাত্মকভাবে হ্রাস করতে বা হোয়াইটআউট অবস্থার কারণ ঘটতে পারে। গাড়িচালকদের তুষার-অপসারণ-যন্ত্রকে পাশ কাটিয়ে যাওয়ার চেষ্টা করা বা পেছন-পেছন যাওয়া অথবা খুব কাছাকাছি যাওয়া উচিত নয়। গাড়ি চালকদের জন্য গাড়ি চালানোর জন্য সবচেয়ে নিরাপদ জায়গা হলো স্নো-প্লাউ এর বেশ পিছনে যেখানে সড়কপথ পরিষ্কার রয়েছে ও লবণ ছিটানো হয়েছে।

নিরাপদে গাড়ি চালানোর জন্য কিছু গুরুত্বপূর্ণ পরামর্শের মধ্যে রয়েছে:

- শীতকালীন ঝড়ের সময়ে প্রয়োজন না হলে গাড়ি চলাবেন না।
- সেতুগুলোতে সতর্কতা অবলম্বন করুন কারণ সেখানে সড়কের তুলনায় অধিক দ্রুত বরফ জমে যায়।
- সড়কপথে পড়ে থাকা ভেজা পাতার ফলে পিচ্ছিল অবস্থা তৈরি হতে পারে, তাই পাতার স্তুপগুলো অতিক্রম করার সময় অপেক্ষাকৃত ধীর গতিতে গাড়ি চালানো গুরুত্বপূর্ণ।
- আপনার গাড়িতে কশ্বল, একটি বেলচা, ফ্ল্যাশলাইট ও বাড়তি ব্যাটারি, বাড়তি গরম পোশাক, টায়ার চেইনের সেট, ব্যাটারি বুস্টার ক্যাবল, দ্রুত শক্তিদায়ক খাবার এবং বিপদ সংকেত দেয়ার জন্য ব্যবহারের উদ্দেশ্যে উজ্জ্বল রঙের কাপড়ের টুকরা রয়েছে তা নিশ্চিত করুন।

- গ্যাসোলিন জমে যাওয়া প্রতিরোধ করতে আপনার গ্যাস ট্যাঙ্ক পূর্ণ রাখুন।
- যদি আপনার ব্যবহারের জন্য সেল ফোন অথবা টু-ওয়ে রেডিও থাকে, তাহলে ব্যাটারিতে চার্জ দিয়ে রাখুন এবং ভ্রমণের সময় সেটি আপনার সঙ্গে রাখুন। যদি আপনি হারিয়ে যান, সাহায্যের জন্য কল করে উদ্ধারকারীদেরকে আপনার লোকেশন জানাতে পারবেন।
- আপনার ভ্রমণ পরিকল্পনা সম্পর্কে অন্য কাউকে জানিয়ে রাখতে ভুলবেন না।
- গাড়ি চালানোর সময়, যানবাহনগুলো বরফ ও তুষার থেকে দূরে রাখুন।
- থামার বিষয়টি পরিকল্পনায় রাখুন এবং গাড়িগুলোর মধ্যে দূরত্ব বজায় রাখুন। সবসময় সড়ক ও আবহাওয়ার অবস্থার সঙ্গে আপনার গতির মিল রাখুন।

বিদ্যুৎ বিভ্রাট

বিদ্যুৎ বিভ্রাট হলে নিউইয়র্কবাসীদের উচিতঃ

- এই ডিভাইসগুলিকে ক্ষতি করতে পারে এমন ক্ষণস্থায়ী শক্তির প্রবাহের ক্ষেত্রে প্রধান যন্ত্রপাতি এবং অন্যান্য সরঞ্জাম, যেমন, কম্পিউটারগুলি বন্ধ করুন বা সংযোগ বিচ্ছিন্ন করুন। একটি আলো চালু রাখুন যাতে কখন বিদ্যুৎ ফিরে আসে তা আপনি জানতে পারেন। আপনি যেখানে ইলেকট্রনিক সরঞ্জাম ব্যবহার করেন সেখানে সার্জ প্রোটেক্টর ব্যবহার করার কথা বিবেচনা করুন।
- আপনার ইউটিলিটি প্রদানকারীকে বিভ্রাটের বিষয়ে অবহিত করতে এবং অফিসিয়াল তথ্যের জন্য স্থানীয় সম্প্রচার শুনতে কল করুন। ইউটিলিটি সংস্থাগুলোর একটি তালিকা পেতে নিউ ইয়র্ক স্টেট ডিপার্টমেন্ট অব পাবলিক সার্ভিসে ভিজিট করুন।
- আপনার প্রতিবেশীদের বিদ্যুৎ আছে কিনা তা দেখুন। অ্যাক্সেস বা কার্যকরী প্রয়োজন আছে এমন লোকেদের খবর নিন।
- জরুরী আলোর জন্য শুধুমাত্র ফ্ল্যাশলাইট ব্যবহার করুন - মোমবাতিগুলি আগুন লাগার ঝুঁকি তৈরি করে।
- রেফ্রিজারেটর এবং ফ্রিজারের দরজা বন্ধ রাখুন - বেশিরভাগ খাবার যেগুলির হিমায়নের প্রয়োজন সেগুলি একটি বন্ধ রেফ্রিজারেটরে কিছু ঘন্টার জন্য নিরাপদে রাখা যেতে পারে। একটি না খোলা রেফ্রিজারেটর প্রায় চার (4) ঘন্টার জন্য খাবারকে ঠান্ডা রাখবে। একটি সম্পূর্ণ ফ্রিজার তাপমাত্রাকে প্রায় 48 ঘন্টা ধরে রাখবে।
- বাড়ির ভিতরে কাঠকয়লার গ্রিল ব্যবহার করবেন না এবং তাপের জন্য গ্যাসের চুলা ব্যবহার করবেন না - সেগুলি কার্বন মনোক্সাইডের ক্ষতিকারক মাত্রা ছাড়তে পারে।
- ঠান্ডা আবহাওয়ায়, স্তরে স্তরে পোশাক পরে এবং বাইরে কাটানো সময় কমিয়ে উষ্ণ থাকুন। ঠান্ডা চাপের উপসর্গ (অর্থাৎ, হাইপোথার্মিয়া) সম্পর্কে সচেতন থাকুন এবং উপসর্গ দেখা দিলে যথাযথ চিকিৎসা করান।
- আপনি যদি একটি উঁচু ভবনে থাকেন, তাহলে সিঁড়ি দিয়ে বিল্ডিংয়ের সর্বনিম্ন তলায় যান। লিফটে আটকে পরে থাকলে সাহায্যের জন্য অপেক্ষা করুন। জোর করে দরজা খোলার চেষ্টা করবেন না। ধৈর্য ধরুন - অনেক বাতাস রয়েছে এবং লিফটের ভিতরটি যাত্রীদের সুরক্ষার জন্য তৈরি করা হয়েছে।
- আপনার পোশা প্রাণীদের জন্য তাজা, শীতল জল প্রদান করার কথা মনে রাখুন।
- নিস্প্রয়োজন যাতায়াত করবেন না, বিশেষ করে গাড়িতে। বিভ্রাটের সময় ট্র্যাফিক সিগন্যালগুলি কাজ করবে না, যার ফলে যানজট এবং বিপজ্জনক গাড়ি চালানোর অবস্থা

- তৈরি হবে। আপনাকে যদি ব্ল্যাকআউটের সময় গাড়ি চালাতেই হয়, 4-ওয়ে স্টপ নিয়ম মেনে কলার কথা মনে রাখুন কাজ-না-করা ট্র্যাফিক সিগন্যাল সহ মোড়গুলিতে।
- স্বয়ংক্রিয় টেলার মেশিনগুলির (ATM) মোট সরঞ্জাম এবং লিফটগুলি হয়তো কাজ করবে না।

নিরাপত্তা সংক্রান্ত আরো পরামর্শের জন্য নিউ ইয়র্ক স্টেটের ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস এর নিরাপত্তা পরামর্শ সংক্রান্ত [ওয়েবপেইজ](#) দেখুন।

###

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)